

Gion Antoni Peder, Rueras/Selva



Ils 26 d' avrel 1902 ei stau il di da naschientscha da Gion Antoni. El ei naschius a Selva sco affon da Gion Antoni Peder e Maria naschida Hendry. El ravugl da ses sis fargliuns, treis buobas e treis buobs ha el passentau il temps d'affonza a Selva. La scola primara frequenta el a Sutcrestas. Gia baul ha ei tuccau da segidar en famiglia ed inaga ord scola eis el semess en a far il pur ensemen culs fargliuns e bab. Igl onn 1934 marida el la giuvna Onna Maria Deplaz da Rueras. El ei secasaus a Rueras en casa da sia dunna. Treis affons, duas buobas ed in buob portan lavur e quitau en famiglia. Nibels ners han era purtau umbriva en casa dil Gion Antoni. 1943 miera sia buna dunna e mumma.

Anavos restan ils affons pigns denter sis ed otg onns. Cun agid dils buns geniturs, fargliuns e vischins ha el era dumignau quei buordi e tut ei vargau.

Il Gion Antoni ha lu calau da far il pur ed ha luvrau empau tier firmas e per la vischnaunca. Dasperas ha el teniu entginas nuorsas e surviu alla publicidad duront schotg onns sco controllader da latg.

Igl onn 1989 cun 88 onns serenda el cun grev cor a Sedrun en casa s.Vigeli. El fuva bugen leu en casa e gudeva la veta da serasontga. Sias spassegiadas fuvan reguladas ed ina patarla cul Gion Antoni fuva adina interessanta. En consequenza d'in accident sto el serender el spital. Spossaus dallas forzas, cloma il Segner il Gion Antoni ils 12 da zercladur 1996 tier el a casa. Treis dis suenter vegn el accumpignaus d'ina gronda cuminoza sin siu davos viadi sin santeri da s.Vigeli. La pasch ad el!